



Ang Banagbanag

The Dawn in the Cebuano

Ang Langitnong Panulondon.....	3
Ang Tinubdan sa Tanang Gugma.....	10
Grasya Ug Kalooy sa Diyos.....	12
Pagtuman Diha sa Gugma sa Diyos.....	14
Ang Gugma sa Diyos Nagpahiuli.....	16

Ang Langitnong Panulondon

“Blessed be the God and Father of our Lord Jesus Christ, which according to his abundant mercy hath begotten us again unto a lively hope ... , To an inheritance incorruptible, and undefiled, and that fadeth not away, reserved in heaven for you.”
—I Peter 1:3,4

Ang Paghunahuna sa pagbiya niining kalibotan ug pag-adto sa langit aron magpuyo sa kahangturan ang gitooan sa dul-an tanang mga nag-angkong mga Kristohanon. Lakip niini, adunay mga pipila ka sinsero ug mainiton nga mga magtutuo diin kini naghatag ug usa ka masanag nga paglaom, ug diin naglaum uban sa way sukod nga kalipay. Apan, alang sa kadaghanan, ang ideya sa pag-adto sa langit daw usa lamang ka alternatibo nga dili mahiadto sa apit sa pagsakit sa kamatayon. Daghan sa mga nag-angkon nga magtotoo ang gusto nga magpabilin nga buhi niining ibabaw sa yuta, apan tungod kay sila nagtuo nga kini dili mahimo, mas gusto na lang nila hinoon nga mahiadto sa langit kay sa walay katapusan nga pagsakit.

Kini atong masabot, kay sumala sa komon nga pangatarungan, ang hulagway sa langit wala gidibuho nga makapadani. Ang tradisyon sa kasiglohan nagghulagway sa langit ingon nga usa ka dapit sa mingaw ug walay gipanghimo o kaha mas maayo nga pagtugtog sa alpa ug pag-awit. Ang Bibliya tin-aw nga nagtudlo nga usa ka langitnong paglaom ang gitagana ngadto sa matinud-anon nga mga sumusunod ni Jesus. (Fil 3:14,20; Heb 3:1; 1 Ped 1:3,4) Dugang pa, samtang nga kini imposible alang sa atong limitadong hunahuna sa pagsabot sa langitnong mga kahimtang, ang Bibliya nagpasalig kanato nga adunay usa ka tinuod nga katuyoan sa pagbayaw sa pipila niini ngadto sa hataas nga posisyon. Sa balaan nga kahikayan sa Diyos, ang langit wala gidesinyo nga ingon usa

ka pag-ikyap gikan sa usa ka nagdilaab nga impiyerno.

Si Jesus miingon sa iyang mga tinun-an, “Sa balay sa akong Amahan anaay daghang puy-anan; kay kon dili pa, moingon ba unta ako kaninyo. Moadto ako aron sa pag-andam sa usa ka dapit alang kaninyo. Ug kong ako moadto ug mag-andam og usa ka dapit alang kaninyo, ako moanhi pag-usab, ug modawat kaninyo ngari sa akong kaugalingon; nga kung diin ako, didto usab kamo.” (Juan 14:2,3) Dinhi mahunahuna sa husto sa “balay sa Amahan” nga ang tibuok uniberso, ug ang “daghang mga mansion” isip ang daghang mga dapit nga puloy-anan, o natad sa kinabuhi, nga gihimo na sa panahon nga si Jesus naghimo niini nga saad ngadto sa iyang mga tinun-an. Sa diha nga si Jesus miingon nga siya moadto aron sa “pag-andam sa usa ka dapit” nga alang kanila, siya nagpasabot nga kini mao ang usa ka bag-o nga dapit, ang usa nga wala pa maglungtad. Hinoon, kini wala magpasabot nga ang uban nga mga kanhi gibuhay na nga “mga mansion” sa balay sa iyang Amahan dili pagapuy-an.

PARIANON NG MANALANGIN

Si Apostol Pablo misulat, “Busa, mga igsoong balaan, mga umalambit sa langitnon nga pagtawag, palandunga ang Apostol ug Labawng Sacerdote sa atong pagsugid, nga si Cristo Jesus.” (Heb 3:1) Sa sulat ni Pedro, atong mabasa, “Kamo mao ang usa ka pinili nga kaliwatan, usa ka harianong pagkasaserdote.” (1 Ped 2:9) Kining duha ka teksto nagpadayag nga ang mga tawo nga makadawat sa langitnon nga pagtawag gipakita sa simbolikong paagi isip ipaila ngadto sa pagkaparianon. Kini nga terminolohiya gibase sa pagpakiglabot sa Diyos sa karaang Israel. Adunay mga napulo ug duha ka mga banay sa Israel, ug ang usa kanila, ang banay ni Levi, ang gigahin gikan sa uban sa pag-alagad sa nasud sa mga butang nga balaan. Usa sa mga banay sulod sa kaliwat ni Levi ang gipili nga mga pari. Ang mga sacerdote sa Israel naghalad ug mga sakripsyo, ug base sa ilang mga halad, naghatag ug mga panalangin ngadto sa mga tawo.

Busa, si Pablo ug si Pedro mipasabut nga sa karon nga panahon, sugod sa Unang Pag-anhi ni Jesus, ang Diyos nagtawag sa usa ka katawhan nga mahimong usa ka “parianon” uban ni Kristo ingon nga Ulo, o Hataas nga Sacerdote. Kini usab naghalad ug sakripisyo, dili sa mga mananap sama sa gihimo sa mga sacerdote sa Israel, apan sa ilang kaugalingon-sa ilang kinabuhi diha sa pag-alagad sa Diyos. Gihatag ni Jesus ang iyang tawhanong kinabuhi alang sa mga sala sa kalibutan. Isip Iyang mga konsagradong sumusunod, kita gidapit nga mahimong maghalad

uban kaniya. Base sa niini nga buhat sa paghalad, si Jesus ug ang iyang mga matinud-anon nga mga miyembro sa lawas mohatag sa mga panalangin ngadto sa mga tawo. Apan, sa dili pa kini mahitabo, kini sila pagabayawon una ngadto sa langitnong himaya. Ang ilang tawag dili lamang sa pagkaparianon, apan ingon man usab ngadto sa langit.

Ang plano sa Diyos sa pagpanalangin sa kalibotan sa katawhan pinaagi kang Jesus ug sa iyang simbahan gipakita diha sa iyang saad kang Abraham, nga pinaagi sa iyang “binhi” ang tanan nga mga kabanayan sa yuta mapanalanginan. (Gen.12:3; 22:18) Si Apostol Pablo Kristo ang miila kang Kristo nga pangulo niini nga klase sa “binhi”.(Gal. 3:16) Unya sa panapos nga mga bersikulo sa sa mao gihapon nga kapitulo nag-ingon siya, “Ingon nga daghan kaninyo nga gibautismohan ngadto kang Cristo nagsul-ob kamo kang Cristo. Walay Judio ni Gresyanhon, walay ulipon ni gawasnon walay lalaki ni babaye; kay kamong tanan usa diha kang Cristo Jesus. Ug kon kamo mga iya ni Cristo, nan, kamo kaliwat ni Abraham, ug mga manununod sumala sa saad.”-bersikulo 27-29

Ang dakong tumong sa plano sa Diyos sa kaluwasan pinaagi kang Cristo mao ang panalangin sa tanang mga banay sa yuta. Busa, atong makita nga ang katuyoan sa langitnon nga pagtawag dili para mahatagan lamang ang pipila sa mga paborito sa Diyos ug usa ka makagawas gikan sa walay katapusan nga pag-antus. Hinunoa, kini mao ang pagpili ug pag-andam sa mga representante gikan sa katawhan nga makig-uban kang Jesus sa paghatag sa mga panalangin sa kinabuhi sa nahibilin nga kaliwat sa katawhan.

ANG “PANGASAW-ONON”

Aron mas tataw pa nato nga masabtan ang tanan nga nalambigit diha sa langitnon nga pagtawag alang sa pipila, aron nga sila magamit isip mga instrument sa pagpanalangin alang sa nahibilin nga mga katawhan, ang Kasulatan nagtumong niini pinaagi sa paggamit sa nagkalain-lain nga simbolo. Ingon sa atong nakita, sila usa ka “parianon” nga maghalad sakripisyo, ug sa ulahi maghatag sa mga panalangin sa mga tawo. Sila usab gitawag ug “pangasaw-onon” ni Kristo. Diha sa Basahon sa Pinadayag, atong mabasa, “kita managlipay ug managmaya, ug sa paghatag kadungganon kaniya: kay ang kaminyoon sa Kordero [si Kristo Jesus] miabut na, ug ang iyang pangasaw-onon nag-andam na sa iyang kaugalingon.” “Adunay miabut kanako usa sa pito ka mga manolunda ..., ug nakigsulti kanako, nga nagaingon: Umari ka diri, igapakita ko kanimo ang pangasaw-onon, ang asawa sa Kordero. Ug gidala niya ako ngadto

sa espiritu ngadto sa usa ka daku ug hataas nga bukid, ug iyang gipakita kanako ang daku nga ciudad, ang balaan nga Jerusalem, nga mikunsad gikan sa langit gikan sa Diyos.”- Pin. 19:7; 21:9,10

Ang “dakong siyudad, ang balaan nga Jerusalem,” dili usa ka dapit diin ang mga Kristohanon moadto aron makaikyas impiyernong kalayo, kondili lain nga hubit nga ngalan alang sa “pangasaw-onon, ang asawa sa Kordero,” nga gilangkoban sa mga matuod nga mga sumusunod ni Jesus. Kining simbolikong “balaang siyudad” gipakita ingon nga mikunsad gikan sa Dios gikan sa langit human ang mga balaan nahiusa uban ni Jesus. Ang “mga ganghaan niini dili pagasirhan sa adlaw: kay walay gabii didto. Ug sila magdala sa himaya ug dungog sa mga nasud ngadto niini.”(Pin 21:25,26). Ang abri nga ganghaan niining ciudara nagpasabot nga si Jesus ug ang iyang pangasaw-onon mag abi-abi sa mga katawohan sa yuta nga moduol, ug sa pagdawat sa mga panalangin sa kinabuhi nga gihatag alang kanila pinaagi sa iyang kamatayon isip nga “Kordero nga gipatay.”(kap.5:12) Ang matinud-anon nga mga sumusunod ni Kristo dili maglingkod sa walay katapusan sa mga panganod ug magdula sa alpa. Hinunoa, sila moapil uban ni Jesus, ingon sa iyang pangasaw-onon, sa dakong buhat sa pagpanalangin sa tanan nga mga banay sa yuta, sa pagpahiuli kanila ngadto sa kahingpitan ug sa pagkahiusa sa Diyos.

GIPANGANAK PAG-USAB

Sa atong pang-abli nga teksto, si Pedro naghisgot sa mga tinun-an ni Kristo nga “gipanganak ... pag-usab.” Sa dihang miadto si Nicodemo kang Jesus aro sa pagkat-on ug dugang bahin kaniya ug sa mensahe nga iyang gipresentar ngadto sa mga tawo, giingnan siya ni Jesus nga ang pagsulod sa gingharian sa langit kinahanglan nga siya “matawo pag-usab.” (Juan 3:3,7) Si Nicodemo wala makasabut niini, mao nga gipatin-aw ni Jesus nga ang mga tawo nga natawo pag-usab makaadto ug moadto ingon sa hangin, nga nagpasabot nga sila dili makita ug gamhanan kaayo. Kini mao ang paagi ni Jesus sa paghulagway sa pipila sa mga kinaiya sa mga tawo nga mosulod ngadto sa langitnong panulondon. Mao kini ang litiral nga tinuod kang Jesus human sa iyang pagkabanhaw. Gawas sa pipila ka mubo nga mga higayon nagpakita siya ngadto sa iyang mga tinun-an, siya dili makita sa tawhanong mga mata. Sa diha nga siya nagpakita sa ilang taliwala, wala sila mahibalo kon diin siya nagikan, sa dihang siya nawala, sila usab wala mahibalo kon diin siya miadto. “Mao usab ang matag usa nga natawo sa Espiritu,” mipasabut si Jesus kang Nicodemus.- bersikulo 8

Mao kini ang nahilambigit sa atong paglaum isip nga “natawo pag-usab” ngadto sa langitnong bahin sa gingharian ni Cristo. Sa atong teksto, si Pedro miingon nga kita karon “gipanganak” niini nga paglaom. Kini nga bag-o nga kinabuhi nagsugod diha sa atong mga hunahuna. Apan, kini dili modangat hangtud sa agkabanhaw, diin kita mahimo nga sama kang Jesus nga dili makita ug gamhanan nga espiritu nga mga binuhat. Ang Apostol Juan misulat mahitungod niining mahimayaon nga paglaum sa tinuod nga Kristohanon, nga nagaingon, “Mga hinigugma, kita karon mga anak sa Diyos, ug sa wala pa kini makita kon unsa kita: apan kita nasayud nga, ... kita mahisama kaniya; kay kita makakita kaniya ingon nga siya.”(I Juan 3:2). Sama sa gipatin-aw ni Juan, kini lamang nga mga tawo nga anaa sa pagkabanhaw, nga sama kaniya, ang makahimo sa pagtan-aw sa Langitnong Amahan ug sa gihimaya nga Jesus.

ANG “KATAPUSANG PANAHERON”

Ang nagsunod nga bersikulo sa tema sa atong teksto, si Pedro naghisgot sa usa ka pagpadayag sa langitnong klase sa “katapusan nga panahon.” (1 Ped 1:5) Sa plano sa Diyos alang sa kaluwasan sa tawo ug sa pagpasig-uli niadtong andam ug masulundon ngadto sa kahingpitan sa kinabuhi sa tawo sa ibabaw sa yuta, ang karon nga panahon mao ang alang sa pagtawag gikan sa kalibutan ang usa ka klase o grupo nga makadawat sa usa ka langitnon nga panulondon sa pagpuyo ug paghari uban kang Cristo. Sila wala mailhi sa kalibutan, ug kasagaran gilutos sa mga tawo nga nabutaan sa kamatuoran sa Ebanghelyo pinaagi sa “dios niini nga kalibutan,” nga mao ang Satanas.-II Cor. 4:4

Apan, sa pagsugod sa Kristohanong gingharian-ang “katapusan nga panahon” sa katumanan sa pagpasig-uli sa kaliwatan ni Adan sa plano sa Diyos-ang matood nga posisyon sa mga matinud-anon ang igapadayag. Unya kini pagailhon sa tanan nga mga katawhan nga kining “gamayng panon” nga wala masabti ug usahay gilutos nga mga sumusunod sa Magtutudlo ang mga tinuod nga mga tawo sa Diyos, ug nga karon sila gibanhaw gikan sa mga patay, gibayaw ngadto sa langitnong himaya, ug uban kang Jesus, mao ang mga bag-o nga espirituhanon nga mga punoan sa mga kalibutan.

Angayan lang nga kini sila makadawat sa usa ka langitnon nga panulondon, tungod kay sila mitugyan sa tanan nga yutan-ong kadunganan ug bentaha aron nga sila maghalad sa ilang kinabuhi sa hingpit ngadto sa pagsunod sa mga tunob sa ilang Agalon, ang atong Ginoong Jesus. Ang Apostol nga si Pablo mao ang usa ka maayo nga

panig-ingnan sa mga bug-os nga debosyon sa niini nga klase. Siya misulat, “giisip ko ang tanang mga butang nga kapildihan tungod sa pagkahalangdon sa kahibalo ni Cristo Jesus nga akong Ginoo; kay kinsa ako nag-antus ang kapildihan sa tanang mga butang, ug giisip ko sila nga mga sagbut, aron maako si Cristo, Ug nga makaplagan diha sa kaniya nga wala magbaton pagkamatarung nga akong kaugalingon, nga anaa sa sa Kasugoan, kondili kadtong pinaagi sa pagtoo kang Cristo, ang pagkamatarung nga gikan sa Dios pinaagi sa pagtoo: aron ako makaila kaniya, ug sa gahum sa iyang pagkabanhaw, ug sa pagpakig-ambit sa sa iyang mga pag-antus, sanglit nahimong gipahiuyon sa iyang kamatayon; Kon sa bisan unsang paagi, makadangat ako sa pagkabanhaw sa mga patay. Dili ingon nga bisan na ako nakab-ot, o nahingpit na: apan ako mosunod human sa, kon mahimo nga magakupot ako sa butang nga tungod kaniya gikuptan usab ako ni Cristo Jesus. Mga igsoon, giisip ko nga wala sa akong kaugalingon sa nagakupot na: apan usa ka butang ang akong gibuhat: hikalimtan ang mga butang nga gitalikdan, ug nagakabut ako sa mga butang nga nagauna, Nagapadayon ako paingon sa marka alang sa ganti sa labing hataas nga pagtawag sa Dios diha kang Cristo si Jesus.”- Filipino 3:8-14

Ang paggamit ni Pablo sa ekspresyon nga “hataas nga tawag” maoy usa ka pagpadayag. Kini nagpakita nga kadtong mga gitanyagan sa saad sa usa ka langitnon nga ganti ang gidapit ngadto sa usa ka espesyal kaayo nga dapit sa balaan nga kahikayan. Kini dili, mao sama sa gitooan sa kadaghanan nga usa ka alternatibo sa pag-ikyas sa kasakit nga walay katapusan, ingon nga usa ka emehensya nga pag-ikyas gikan sa usa ka walay katapusan nga kalaglagan. Dili lamang kini usa ka butang nga “maluwas,” apan usa ka balaan nga tawag, usa ka pagdapit, pag-apil sa plano sa Diyos alang sa pagpanalangin sa tanan nga mga katawhan.

MGA ANAK UG MANUNUNOD

Sa usa ka tudling nga una nga gikutlo, si Apostol Juan naghigot niini nga klase diin kini nga hataas nga pagtawag gipaabot, isp mga anak sa Diyos. Si Pablo usab misulat mahitungod niini: “Ang Espiritu sa iyang kaugalingon nagapamatuod sa atong espiritu, nga kita mga anak sa Dios: Ug kon mga anak, nan, mga manununod kita; mga manununod sa Diyos, ug masigkamanununod ni Cristo; kon moantus man kita uban kaniya, aron nga kita pagahimayaon usab. Kay gidahum ko nga ang mga pag-antus niining panahona karon dili takus ikagtandi sa himaya nga igapadayag kanato. Kay ang mainiton nga pagpaabut sa mga binuhat nagahulat sa pagpahayag sa mga anak sa Diyos.”- Roma 8:16-19

Ang ekspresyon, “mainiton nga pagpaabut sa mga gibuhad,” gihubad sa mas tukma nga paagi “mainiton nga pagpaabut sa mga binuhad.”(Revised Version) Dinhi ang gihisgotan mao ang tawhanong gilalang sa Diyos-ang tibuok kalibotan nga katawhan sa Diyos. Si Pablo nag-ingon nga ang mga nilalang nagahulat alang sa “pagpadayag” ““sa mga anak saDiyos.” Dayon siya midugang nga “ang tibuok nilalang” nag agulo ug kahago “diha sa kasakit” hangtod nga moabot niini ang pagpadayag.-Roma. 8:22

Ang kalibotan sa katawhan, nabutaan pinaagi sa daku nga Kaaway, si Satanas, wala makasabut sa plano sa Diyos. Ang mga tawo mga buta sa mahimayaong probisyon sa kinabuhi pinaagi ni Kristo nga gihimo alang kanila pinaagi sa balaan nga gugma. Apan bisan pa niana, diha sa ilang mga pag-agulo, ug kasakit sila sa walay katapusan malaumon nga ang mga kahimtang mausab, ug nga ang kalipay maoy mopuli sa ilang kagulan. Ang kasakit ug kamatayon sa pagkatinuod ang pagalaglagon sa gitakdang panahon sa Diyos. (Pin 21:1-7) Kini pagabuhaton pinaagi sa gahum sa Kristohanong klase nga gilangkoban ni Jesus ang Ulo, ug ang iyang mga sakop sa lawas, ang balay sa mga anak, nga nahimong mga umalambit sa langitnon nga tawag.-Efesos 5:23: Colosas 1:18

Sa diha nga kini nga mga anak sa Diyos gipadayag uban kang Cristo, diha sa gahum ug himaya, ang gisaad nga gingharian sa pagpanalangin sa tanan nga mga banay sa yuta magsugod. Ang mga anak sa Diyos sa ilang mga kaugalingon ang mookupar sa usa ka langitnon nga posisyon, nga gibayaw ngadto sa “himaya ug sa kadungganang ug sa pagka walay kamatayon.” (Roma 2:7) Niini nga posisyon sa awtoridad ug gahum, sila mahimong mga galamiton sa Diyos sa paghatag sa mga panalangin sa panglawas ug kinabuhi sa tanan nga mga katawhan nga, sa diha nga sila nalamdagan, modawat sa gasa sa kinabuhi pinaagi ni Kristo, ug sa pagsunod sa mga matarung ug sa matarong nga mga balaod sa gingharian nga ipahamutang unya. Pagka malipayon nga palaaboton ang anaa sa atubangan niadtong nagapangita niining langitnong panulondon! ■

Ang Tinubdan sa Tanang Gugma

Yabeng Bersikulo: **Ang Bag-ong Testamento** gisulat sa Grigong pinulungan, ug duha ka grupo sa Grigong pulong ang gihubad ngadto sa Ininglis nga pulong nga “gugma” diha sa King James Bible. Ang Griegong pulong nga phileo naghulagway sa gugma nga inubanan sa personal nga pagbati, sama sa gugma sa pamilya o mga higala, nga gihatag tungod sa pagbati sa usa’g usa. An ekspresyon nga “inigsoong gugma” maoy usa ka hubad sa Grigeong pulong nga philadelphia, ang nomre nga porma sa berbong phileo.

—I Juan 4:11

Piniling Kasulatan:

I Juan 4:7-19 Ang Gregong mga pulong agape ug agapao mao ang nombre ug berbo nga porma sa usa ka lain-laing mga matang sa gugma. Ang Agape mao ang usa ka dili hinakog, mainantason nga gugma, nga gihatag angayan man o dili, sa walay paghandom nga balos niini. Kini mao ang diosnong gugma. Ang Apostol Juan naggamit kanunay niini nga mga pulong. Sa iyang tulo ka sulat, ang pulong nga gugma makita sa katloan ug walo ka mga higayon, ug ang tanan gihubad gikan sa agape o agapao.

Sa mga bersikulo sa atong leksyon, si Juan nigamit niining mga Gregong pulong sa paghubit sa gugma sa Dios. “Ang gugma anaaa sa Diyos; Ang Dios mao ang gugma.” (Juan 4:7,8) Sa paghubit sa kon unsang paagi gigamit sa Diyos ang iyang gugma pinaagi ni Jesus, si Juan nagpadayon, “Kini mao ang paagi nga gipakita sa Diyos ang iyang gugma taliwala kanato: gipadala niya ang iyang bugtong nga Anak nganhi sa kalibutan aron kita mabuhi pinaagi kaniya. ... Iyang gipadala ang iyang Anak isip maulaong sakripisyo alang sa atong mga sala.” (ber 9,10, New International Version.) Sa ebanghelyo ni Juan, siya usab nagtumong niining dako nga pagpakita sa gugma sa Diyos: “Gihigugma sa Diyos ang kalibutan, nga gihatag niya ang iyang bugtong Anak, aron nga si bisan kinsa nga motoo kaniya dili malaglag, kondili may kinabuhi nga walay katapusan.” - Juan 3:16

Ang matuod nga Kristohanon magtinguha sa pagpalambo sa usa ka dili hinakog, mainantosong gugma. Ang maong gugma dili lamang usa ka pagkamanggiloloy-on nga pagbati nga ipakita sa usa's usa. Hinunua, kini mao ang usa ka gugma nga nagtukmod sa usa sa paghalad-sa-kaugalingon nga interes, kalipay, kahupayan, panahon, kusog, ug ang tanan nga anaa kaniya, alang sa panalangin sa uban. Kini nga matang sa "gugma sa usa'g usa," nga gikutlo sa atong yabeng bersikulo, nagkinahanglan sa dakong pagsuta sa kasingkasing, pagsusi sa kaugalingon, ug maugmad pagabot sa panahon.

“Kon nahigugma kita sa usa'g usa, ang Diyos nagpuyo kanato, ug ang iyang gugma nahimong hingpit diha kanato.... Si bisan kinsa nga nagpuyo sa gugma nagpuyo diha sa Diyos, ug ang Diyos anaa kaniya.”(Juan 4:12,16, NIV) Ang Diyos midawat sa atong gugma alang sa usag usa ingon nga usa ka pagpadayag sa atong gugma alang kaniya. Busa, mangutana kita: Aduna ba kitay tinuod nga interes ug kahingawa alang sa atong mga kaigsoonan sa labing taas nga espirituhanong kaayohan? Kon kita masayod sa malisod nilang kasinatian, adun ba kitay simpatiya ug kalooy? Nag-ampo ba kita alang kanila, nangayo alang sa grasya, kalig-on, ug alang sa kabubut-on sa atong Langitnong Amahan nga pagabuhaton alang kanila diha sa tanan nga mga butang? Naghatag ba kita ug panahon sa pagdasig sa atong mga kaigsoonan pinaagi sa pagpakigbahin sa mga saad sa Kasulatan diha sa usa ka mubo nga sulat, email, o pinaagi sa pagtawag kanila?

Laing pagsuta sa atong kaugalingon kon nalambo ba ang agape nga gugma mao ang atong paggamit niini ngadto sa tanan nga mga katawhan, ug ang paghigugma bisan sa atong mga kaaway. (Mateo 5:44,45) Ang dili hakog nga gugma ang magtukmod kanato nga makabaton ug simpatiya ug pagpakita sa kalooy ngadto kanila. Kon ang atong mga kaaway, sa umalabot, malamdagan pinaagi sa kamatuoran sa Pulong sa Diyos ug, pinaagi sa iyang grasya, magpakita ug pagtinguha sa paghimo ug paghinulsol sa ilang kasal-anan, kita malipay, kon kita adunay tinuoray nga dili hinakog nga gugma alang kanila.

Atong tinguhaon ang pagpalambo niini nga matang sa gugma, uban sa paghinumdom nga ang Diyos mao ang tinubdan. Kon kita mapakyas, sa mga panahon, sa pagpasundayag sa gugma ngadto sa atong mga kaigsoonan, ngadto sa katawhan, o bisan sa atong mga kaaway, kinahanglan nga dili kita maluya. Hinunua, kinahanglan nga moduol kita sa trono sa grasya ug mangayo alang sa kapasayloan sa Diyos, ug mangayo alang sa usa ka mas dako nga sukod sa iyang espiritu sa agape nga gugma.-II Tim. 1: 7 ■

Grasya Ug Kalooy sa Diyos

Yabeng Bersikulo: Si Pablo nagsugod sa iyang sulat ngadto
“Apan ang Dios sa mga kaigsoonan sa Efeso sa pag-ingon,
nga madagayaon sa “Alang sa mga balaan nga anaa sa Efeso ug
kalooy, tungod sa iyang sa mga matinumnon diha kang Kristo Jesus.”
dakung gugma alang (Efe. 1:1) Sa kapitulo 2, siya nagpahinumdom
kanato, kanila nga, tungod sa pagkadili-masinugtanon
bisan sa mga patay nga “patay sa kalapasan ug mga sala, ... mga
pa kita tungod sa anak sa pagkadili-masinugtanon.” (ber. 1,2)
atong mga kasal-anan, Kini naglakip sa mga sumusunod sa lakang ni
nagbuhi siya kanato Jesus. Sa laing sulat, gipatin-aw ni Pablo kpn
uban kang Cristo ngano, nga nag-ingon, “Pinaagi sa usa ka tawo
(tungod sa grasya [si Adan] nagsulod ang sala sa kalibutan, ug
nangaluwas kamo).” ang kamatayon pinaagi sa sala; ug sa ingon ang
—Efeso 2:4,5 kamatayon mikaylap sa tanang mga tawo, ug
tungod niana ang tanan nakasala.” (Roma. 5:12)
Piniling Kasulatan: Isip resulta, sukad sa pagkadili-masinugtanon
ni Adan, si Satanas na ang “prinsipe niini nga
Efesos 2:1-10 kalibutan,” ug ang “principe sa sa gahum sa
hangin.”—Juan 12:31; Efesos 2:2

Ang dako nga gugma ug kalooy sa Diyos, bisan pa niana, naghatag sa iyang bugtong Anak, si Jesus, isip lukat, o katugbang nga presyo, sa pagtubos kang Adan ug sa tibuok kaliwatan sa tawo. “Kay tungod sa tawo [si Adan] miabot ang kamatayon, pinaagi sa tawo [ang hingpit nga tawo nga si Jesus] moabot usab sa pagkabanhaw sa mga patay.” (I Cor. 15:21) Ang Kasulatan dugang pa nga nagpatin-aw nga pinaagi sa grasya sa Diyos, si Jesus “gihimo nga ubos gamay sa mga anghel aron mag-antus sa kamatayon, ... nga siya pinaagi sa grasya sa Diyos makatilaw sa kamatayon alang sa matag tawo.”- Heb. 2:9

Ang Kasulatan naghatag sa kalainan tali sa mga paglaum ug mga saad

sa mga konsagradong magtoo, ang simbahan, ug alang niadtong uban nga mga katawhan. Kadtong may “usa ka igdulungogsa pagpamati” niining karon nga Panahon sa Ebanghelyo, ang giatiman sa Diyos karon, samtang ang paglaum sa kalibutan anaa sa umaabot nga yutan-ong gingharian. (Mat. 6:10) Niining panahona karon, ang mga tawo nga nakadungog, mitubag, ug naghupot sa grasya sa Diyos, diha kang Kristo, ang gitawag nga usa ka “bag-o nga binuhat.” - II Cor. 5:17; Gal. 6:15

Sa Yabeng Bersikulo sa atong leksyon, ang kalooy ug grasya sa Diyos ngadto niining mga Bag-ong Linalang ang gipatin-aw ni Pablo. Siya nag-ingon nga ang kaluoy sa Diyos nagadagaya ingon man iyang grasya, nga siya “nahigugma kanato” bisan sa dihang kita mga “patay diha sa sala,” ug naghatag sa mga paagi sa atong kaluwasan pinaagi kang Kristo. Ang gugma sa Langitnong Amahan ngadto niini nga mga Bag-ong mga Linalang naglakip sa dugang nga paglaum ug pribilehiyo nga mahimong “isig-kamanununod kang Kristo; kon moantus man kita uban kaniya.”- Roma. 8:17

Si Pablo naghisgot usab sa pakig-ambitay, ug kaambitan niining mga Bag-ong mga Linalang uban sa Langitnong Amahan ug uban sa atong Ginoong Jesus niini nga kinabuhi, nga nagaingon nga ang Diyos “nagbanhaw kanato uban kaniya, ug nagpalingkod kanato uban sa mga langitnong dapit diha kang Kristo Jesus.” (Efe 2:6) Kini nga mga panalangin ang moabut kanato, nagpadayon si Pablo, dili tungod kay angayan kita kondili- “Pinaagi sa grasya kamo nangaluwas pinaagi sa pagtoo; ug nga dili sa inyong kaugalingon hinimoan: kini ang gasa sa Diyos: Dili sa mga buhat, aron walay si bisan kinsa ang magpasigarbo.”- bersikulo 8,9

Kon atong gihimo ang hingpit ug madawat nga pagpahinungod ngadto sa Diyos, ingon sa Bag-ong mga Linalang, kita giisip ingon nga gibanhaw gikan sa mga kahimtang sa sala ug kamatayon ngadto sa “langitnong mga dapit,” usa ka bag-o nga kahimtang sa kinabuhi diha kang Kristo. Busa, himoa nga ang tanan, kinsa “nabanhaw uban kang Kristo, mangita sa mga butang nga anaa sa itaas diin atua si Kristo, nga nagalingkod sa toong kamot sa Diyos. Ibutang ninyo ang inyong hunahuna sa mga butang sa itaas, dili sa mga butang dinhi sa yuta.”- Col. 3:1,2 ■

Pagtuman Diha sa Gugma sa Diyos

Key Verse: “*Mao Usa sa katapusang leksyon nga gihatag ni kini ang akong sugo, nga kinahanglan maghigugmaay kamo ang usa sa usa sama sa akong paghigugma kaninyo.*” Jesus sa iyang mga tinun-an sa wala pa siya mamatay mao nga sa mga parras, ug sa mga sanga, nga natala sa Juan 15:1-8. Dinhi niini nga sambingay, nagsugod si Jesus sa pag-ingon, “Ako mao ang tinuod nga punoan sa ubas, ug ang akong Amahan mao ang tig-alima.”(bers 1)

—**Juan 15:12**

Piniling Kasulatan:

Juan 15:1-17

Sama sa iyang nabatasan, dinhi gipasidunggan ug naghimaya si Jesus sa iyang Langitnong Amahan, ug naghatag sa gibug-aton nga ang Diyos mas taas ug mas dako kay sa iyang kaugalingon. Ang ekspresyon nga “matuod nga paras” nagpasabot nga adunay usa usab ka bakak nga mga parras. Kini gihulagway sa Bibliya ingon nga usa ka “dili tinanum,” sa Diyos ang “parras sa yuta,” usa ka bakak, yutan-ong sistema-Mateo 15:13; Pinadayag 14:19

Sa pagpadayon sa sambingay, si Jesus miingon, “Ang tanan nga sanga kanako nga dili mamunga putlon niya: Ug ang tanang sanga nga mamunga, pul-ungan niya, aron kini maghatag pa ug dugang nga bunga.” (Juan 15: 2) Ang “mga sanga” sa sambingay nagtumong sa usa’g usa nga sumusunod ni Kristo. “Ang tanan nako nga nga sanga” nagpaila nga ang matag usa kanato adunay relasyon uban ni Jesus ug sa Langitnong Amahan. Ang hugpong sa mga pulong “iyang pagahinloan kini” nagtumong sa galab sa Diyos, nga matuman pinaagi sa atong kasinatian. Ang pamaagi sa pag galab sa Diyos kinahanglan nga sabton nga alang sa atong espirituhanong kaayohan, kay kon dili kita magmaluya. Ang atong mga galab mahimong maglakip sa pagbawi sa mga yutan-ong bahandi o gimahal nga mga plano, ang pagtugot sa paglutos o sakit, o ang pagkawala sa reputasyon ug yutan-ong mga panaghigalaay.

Ang maong pagpul-ong kinahanglan nga makapadasig kanato, tungod kay kini nagpakita sa gugma sa Diyos, ug nga siya nagtan-aw sa atong labing taas nga espirituwal nga kaayohan. Sama sa gisulat ni Apostol Pablo, “Karon walay pagkastigo nga daw makalipay, apan mabug-at: bisan pa niana sa kapulihay kini magahatag sa bunga sa pagkamatarung ngadto kanila nga mamatuto pinaagi niini.” (Heb 12:11.) Unsa ka kahupayan kini nga atong nasayran nga ang Diyos mao ang naghimo sa “galab” sa atong mga kinabuhi isip mga sanga sa matuod nga punoan sa parras!

Si Jesus miingon nga ang katuyoan sa pagpul-ong kanato aron nga kita “mamunga pa ug daghan.” Kini dili mao ang “bunga” sa pagtukod ug dako, impresibo nga mga building sa simbahan. Kay kon dili, si Jesus ug ang mga apostoles wala namunga. Ingon man usab, kini nga mga bunga dili ang atong mga kalihokan sa pag-alagad sa kamatuoran, ni ang panahon, paningkamot, o bahandi nga gigamit sa maong mga paningkamot. Ang atong mga kalihokan sa pag-alagad sa Kamatuoran ug sa mga kaigsoonan madawat lamang sa Diyos sumala sa resulta sa bunga nga naugmad sa atong kinaiya. Kini nga mga bunga sa Espiritu Santo, si Pablo nag-ingon, mao ang “gugma, kalipay, kalinaw, pailub, pagkamapuanguron, pagkamaayo, hugot nga pagtuo, kaaghup, pagpugong sa kaugalingon.” - Gal. 5: 22,23

Sa atong yabeng bersikulo, nga sunod sa sambingay sa paras ug sa mga sanga, si Jesus nag-ingon nga kita maghigugmaay sa usa’g usa sama nga siya nahigugma kanato. Ang maong gugma mao ang putli, dili hinakog, maantoson, ug usa sa mga kinahanglang elemento nga bunga sa kinaiya nga atong makab-ot. Gihatagan kita sa mga kasinatian aron sa pagpalambo niini nga gugma. Kini naglakip sa paghupay sa atong mga kaigsoonan nga mahimong anaa “sa bisan unsa nga kagul-anan,” ug pinaagi sa pagdasig sa usa ug usa “ngadto sa gugma ug sa mga maayong buhat.” (II Cor. 1:4; Heb. 10:24) Ato usab mapakita kini nga gugma pinaagi sa paglikay, diha sa atong mga pulong ug mga lihok o bisan unsa nga makapandol, makapasakit, o makapahuyang sa atong mga igsoon sa espirituwal nga paagi. (Roma 14:21.) Hinunoa, kita nga mahimong (Efe 4:32. Col. 3:13) “mapuanguron sa usa ngadto sa usa, mga malomo ug kasingkasing, nga magpinasayloay ang usa sa usa.” Atong-ugmad niini nga bunga sa gugma mao nga kini makita atong mga pulong ug mga lihok sa matag adlaw-alang sa atong mga kaigsoonan, ang kalibutan sa katawhan, ug bisan sa atong mga kaaway-ug sa ingon magpabilin diha sa gugma sa Dios. ■

Ang Gugma sa Diyos Nagpahiuli

Key Verse: *“Ug gision ninyo ang inyong kasingkasing, ug dili ang inyong mga saput, ug bumalik kamo kang Jehova nga inyong Dios; kay siya napuno sa gracia ug maloloy-on, mahinay sa kasuko, ug madagayaon sa mahigugmaong-kalolot, ug nakapabasul kaniya ang dautan.”*

—**Joel 2:13**

Piniling Kasulatan:

Joel 2:12,13,18,19,28-32

Ang konteksto sa atong leksyon karong semanaha ang makaplagan sugod sa Joel 2:1, nga nag-ingon: “Himoa nga ang tanan nga mga pumoluyo sa yuta mokurog: kay ang adlaw ni Jehova moabut.” Ang ekspresyong “adlaw ni Jehova” mao ang usa ka panahon nga gihulagway sa ubang bahin sa Bibliya nga “usa ka panahon sa kasamok,” “dakong kasakitan,” ug “adlaw sa panimalos” nga magtapos niining Panahon sa Ebanghelyo. (Dan 12:1; Mat 24:21; Jer 46:10) Sa tagna ni Joel, kini nga panahon gihulagway nga “usa ka adlaw sa kangitngit ug sa kadulom. . . . Ang kalayo magalamoy sa atubangan kanila ... ug walay makalikay kanila.” (Joel 2:2,3)

Ang “kalayo” nga gitumong dinghy usa ka simbolo, ug nagtumong sa kalaglagan. Sa bersikulo 10 kita gisultihan nga ang yuta, nga nagsimbolo sa karon nga mga insitusyon nga gumugna sa tawo, “ang mokurog,” ug ang mga langit, nga nagtumong sa bakak nga mga sistema sa relihiyon, ang “mokurog.”

Sa bersikulo 11, ang propeta mamulong sa usa ka “kasundalohan” diin “si Jehova mamulong sa iyang tingog.” Ang kaalam sa Diyos ang maghatag sa paglaom, mga kahadlok, mga kabuang ug kahakog niining dakong “kasundalohan” sa nagmulo nga katawhan sa pagtrabaho sa iyang dakong katuyoan diha sa paglaglag sa karong institusyon-sosyal, relihiyoso, politikanhon, ug sa ekonomiya. Kini nga mga kasinatian ang mag-andam sa katawhan alang sa gingharian sa Diyos sa pagkamatarung ug kalinaw, nga maestablisar unya dinhi sa yuta.

Kini magtimaan sa usa ka dakong kausaban sa mga kahikayan sa

Diyos alang sa tawo. Ang bersikulo 12 nagdugang ug pagpasabot sa mga detalye sa “paglaum” nga kanhi gihulagway nga kasamok. “Busa karon, nagaingon si Jehova, bumalik kamo kanako uban ang inyong kasingkasing.” Usa sa nag-unang mga katuyoan sa Diyos sa pagtugot niini nga panahon sa kasamok, kangitngit, ug sa kadulom mao nga aron ang katawhan mobalik ngadto sa ilang gamhanan, maloloy-on, ug mahigugmaon nga Magbubuhat alang sa solusyon sa tanan nilang mga problema. Ang atong yabeng bersikulo, gikan sa New Living Translation nag-ingon: “Ayaw gisia ang imong bisti sa imong kaguol, apan gisia hinoon ang inyong mga kasingkasing. Balik ngadto kang Jehova nga imong Diyos, kay siya maloloy-on ug mabination, dili masuko, ug puno sa gugma. Siya maikagon sa nagbasul ug dili mosilot.”

Sa ulahi niini nga tagna, si Joel nag-ingon, “Ayaw kahadlok,” apan “pagmalipayon ug pagmaya; kay si Jehova nagahimo ug dagku nga mga butang. ... Kamo mangaon sa kadagaya ug mangatagbaw, ug managdayeg kamo sa ngalan ni Jehova nga inyong Diyos, nga nanalangin sa dakung kahibulongan kaninyo; ... Ako mao si Jehova nga inyong Diyos, ug wala nay lain; ug ang akong katawohan dili na gayud pagapakaulawan.”- ber. 21,26,27

“Kini mahitabo sa ulahi, nga igabubo ko ang akong Espiritu ibabaw sa tanang unod.” (bersikulo 28) Ania ang usa sa daghang mga pruwera sa Kasulatan nga ang Balaan nga Espiritu dili usa ka bulag nga binuhat. Dili kini posible nga “ibubo” ang usa ka espiritu. Hinunoa, ang Espiritu Santo mao ang gahum ug impluwensya sa Diyos. Sa adlaw sa Pentekostes, sa diha nga ang Espiritu Santo gihatag, o gibubo, sa ibabaw sa mga apostoles ug sa uban pang mga gipahinungod nga mga magtutuo nagtigom sa Jerusalem, si Pedro miingon, “Kini mao ang giingon sa profeta nga si Joel.” (Buhat 2:16) Human sa pakigpulong ni Pedro, ang Espiritu Santo sa Diyos gibubo usab sa “mga tulo ka libo” kansang mga kasingkasing natandog sa mensahe sa Ebanghelyo. (bersikulo 41) Kini nga pagbubo sa Espiritu para lamang sa mga sumusunod sa Ginoo, dili sa tanan nga mga katawhan. Apan, sa gingharian sa Diyos, nga sa dili madugay moabut sa yuta, ang iyang Espiritu ibubo “sa tanan nga unod,” ug “ang tanang mga kabanayan sa yuta [ang] mapanalanginan,” sumala sa dili mausab nga saad sa Diyos! -Gen. 12: 3; 22:18; 26:4; 28:14; Buhat 3:25; Heb. 6:13-18 ■